



ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

10 հոկտեմբերի 2017 թ.

N 37-Ն

ք.Ստեփանակերտ

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2016 ԹՎԱԿԱՆԻ ՀՈՒՆԻՍԻ 23-Ի N 331-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

«Իրավական ակտերի մասին» Լեռնային Ղարաբաղի Հանրապետության օրենքի 71-րդ հոդվածին համապատասխան՝ Արցախի Հանրապետության կառավարությունը **ո ր ո շ ու մ է**.

1. Լեռնային Ղարաբաղի Հանրապետության կառավարության 2016 թվականի հունիսի 23-ի «Լեռնային Ղարաբաղի Հանրապետությունում ձեռքբերվելիք տոհմային ցածր մթերատու կովերի արժեքի մասնակի սուբսիդավորման կարգը հաստատելու մասին» N 331-Ն որոշման հավելվածը շարադրել նոր խմբագրությամբ՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից, իսկ գործողությունը տարածվում է 2017 թվականի մայիսի 1-ից հետո ծագած հարաբերությունների վրա:

«Հաստատում եմ»

ԱՐՑԱԽԻ ՀԱՆՐԱՊԵՏՈՒԹՅԱՆ
ՆԱԽԱԳԱՀ

Բ.ՍԱՀԱԿՅԱՆ

Հավելված N 1
Արցախի Հանրապետության
կառավարության 2017 թվականի
հոկտեմբերի 10-ի N 37 -Ն որոշման

«Հավելված
Լեռնային Ղարաբաղի
Հանրապետության կառավարության
2016 թվականի հունիսի 23-ի
N 331 -Ն որոշման

ԿԱՐԳ

ԱՐՅԱԽԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ ՏՈՒՄԱՅԻՆ ՑԱԾԻ ՄԹԵՐԱՏՈՒ ԿՈՎԵՐԻ ԱՐԺԵՔԻ ՄԱՍՆԱԿԻ ՍՈՒԲՍԻԴԱՎՈՐՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կանոնակարգվում են տեղական նախրի բարելավման և մթերատվության բարձրացման նպատակով Արցախի Հանրապետությունում ձեռքբերվելիք տոհմային ցածր մթերատու կովերի արժեքի մասնակի սուբսիդավորմանն ուղղված միջոցառումների (այսուհետ՝ միջոցառում) իրականացման հետ կապված հարաբերությունները:

2. Սույն կարգի իմաստով օգտագործվող հիմնական հասկացություններն են՝

1) **հայտատու**՝ տոհմային ցածր մթերատու կով (եր) ձեռք բերելու նպատակով համայնքը սպասարկող անասնաբույժներին դիմած ֆիզիկական կամ իրավաբանական անձ, անհատ ձեռնարկատեր.

2) **տոհմային ցածր մթերատու կովեր**՝ բոնիտավորման արդյունքում 100 բալային սանդղակով 64 և ցածր բալ ստացած, պարտադիր հղի, հինգ և ավելի բարձր տարիքի ջերսեյ, ֆլեկվի, շվից և այլ ցեղատեսակների կովերը, որոնք մթերատու հատկություններով գերազանցում են տեղական կովերին.

3) **տոհմային ցածր մթերատու կովերի արժեքի մասնակի սուբսիդավորում**՝ տոհմային ցածր մթերատու կովերի արժեքի մասնակի փոխհատուցում.

4) **տոհմային ցածր մթերատու կովի արժեք**՝ տոհմային ցածր մթերատու կովի կենդանի քաշի 97 տոկոսը (3 տոկոսը չի հաշվարկվում՝ հաշվի առնելով կենդանու աղեստամոքսային ուղու պարունակությունը) բազմապատկած շուկայական գնով.

5) **փակ պահվածք**՝ անասնապահական մթերքների արտադրության շահավետ կազմակերպման, արտադրության ծավալի ավելացման, կենդանիների մթերատվության բարձրացման, նրանց անկորուստ վերարտադրությունն ապահովելու նպատակով խոշոր եղջերավոր կենդանին ամբողջ տարվա ընթացքում անասնաշենքերում և կից մեկուսացված տարածքում պահելը՝ բացառելով կենդանու տեղափոխումը հեռավոր արոտներ:

II. ՍՈՒԲՍԻԴԱՎՈՐՄԱՆ ԳՈՐԾԸՆԹԱՅԻ ԿԱԶՄԱԿԵՐՊՈՒՄԸ

3. Արցախի Հանրապետության գյուղատնտեսության նախարարությունը (այսուհետ՝ նախարարություն) համակարգում և վերահսկողություն է իրականացնում միջոցառման իրականացման գործընթացի նկատմամբ:

4. Հայտատուները նախարարության կողմից նշված ժամկետում տվյալ համայնքը սպասարկող անասնաբույժներին են ներկայացնում հայտ՝ համաձայն N 1 ձևի՝ նշելով գործունեության իրականացման վայրի, պայմանների ու տոհմային ցածր մթերատու կովերի պահանջարկի մասին տեղեկությունները:

5. Արցախի Հանրապետության անասնաբուժական սպասարկման կայանները (այսուհետ՝ կայաններ), համայնքային անասնաբույժներին ներկայացրած հայտերի հիման վրա՝ նախարարության կողմից սահմանած ժամկետում նախարարություն են ներկայացնում տեղեկություններ՝ համաձայն N 2 ձևի՝ նշելով գործունեության վայրը (համայնքը, գյուղը), հայտատուների տվյալները (անունը, ազգանունը, հայրանունը, անվանումը, անձնագրային տվյալները, հեռախոսահամարը), տնօրինող գլխաքանակը և ձեռքբերման ենթակա տոհմային ցածր մթերատու կովերի ցեղը և քանակը:

6. Մասնակի սուբսիդավորման ենթակա է ձեռքբերվելիք տոհմային ցածր մթերատու կովի արժեքի 35 տոկոսը: Տոհմային ցածր մթերատու կովի արժեքի 22,75 տոկոսը իրավաբանական կամ ֆիզիկական անձանց կողմից վճարվում է որպես կանխավճար, իսկ մնացած 42,25 տոկոսը տրամադրվում է Լեռնային Ղարաբաղի Հանրապետության գյուղի և գյուղատնտեսության աջակցության հիմնադրամի (այսուհետ՝ հիմնադրամ) միջոցով, անտոկոս փոխառության տեսքով, երեք տարի մարման ժամկետով և տոհմային ցածր մթերատու կովը մեկ տարի փակ պահվածքով պահելու և տոհմային ցածր մթերատու կովերից սերունդ ստանալու պարտադիր պայմանով: Իրավաբանական կամ ֆիզիկական անձանց կողմից կանխավճարն վճարվում է հիմնադրամին՝ անտոկոս փոխառության պայմանագրերը կնքելու պահին:

Տոհմային ցածր մթերատու կովից սերունդ չստանալու, փակ պահվածքով մեկ տարի չպահելու կամ անփույթ պահելու հետևանքով տոհմային ցածր մթերատու կովի անկման դեպքում իրավաբանական կամ ֆիզիկական անձանց կողմից տոհմային ցածր մթերատու կովի չսուբսիդավորված արժեքը՝ հաշվանցած մինչև անկումը մարված փոխառության գումարը, ենթակա է վերադարձման պետական բյուջե անկումը հայտնաբերելուց երեք ամսվա ընթացքում:

Տոհմային ցածր մթերատու կովի հարկադիր սպանող կամ հիվանդության պատճառով խոտանումը պետք է հիմնավորված լինի համայնքը սպասարկող անասնաբույժի ակտով:

7. Նախարարությունը, սույն կարգի 5-րդ կետում նշված տեղեկությունները ստանալուց հետո տասնօրյա ժամկետում ընդհանրացնում և դրանց հիման վրա հիմնադրամ է ներկայացնում տեղեկություններ՝ տոհմային ցածր մթերատու կովի ձեռքբերման պահանջարկի մասին:

8. Հիմնադրամը՝

1) Արցախի Հանրապետությունում տոհմային ցածր մթերատու կովի անասնաբուծություն իրականացնող ընկերությունների հետ կնքում է տոհմային ցածր մթերատու կովերի ձեռքբերման պայմանագրեր:

2) հիմք ընդունելով սույն կարգի 7-րդ կետում նշված տեղեկությունները՝ հայտատուների հետ կնքում է տոհմային ցածր մթերատու կովերի ձեռքբերման համար

անտոկոս փոխառության պայմանագրեր՝ նախատեսելով սույն կարգի 6-րդ կետից բխող պայմանների կատարումը սահմանող դրույթներ.

3) յուրաքանչյուր խմբաքանակի տրամադրումից հետո, տասնօրյա ժամկետում նախարարություն է ներկայացնում տեղեկություններ տոհմային ցածր մթերատու կովերի ձեռքբերման և անտոկոս փոխառությունների տրամադրման ուղղությամբ կատարած աշխատանքների մասին:

9. Նախարարությունը՝ հիմք ընդունելով սույն կարգի 8-րդ կետի 3-րդ ենթակետում նշված տեղեկությունները, իրականացնում է սույն կարգի 6-րդ կետում նշված սուբսիդավորումը՝ հիմնադրամին տրամադրելով անհրաժեշտ ֆինանսական միջոցներ յուրաքանչյուր տարվա պետական բյուջեում նախատեսված համապատասխան միջոցներից:

10. Գործունեության իրականացման վայրի փոփոխության դեպքում հայտատուները պարտավոր են գրավոր տեղեկացնել համայնքը սպասարկող անասնաբույժներին, իսկ համայնքը սպասարկող անասնաբույժները՝ կայաններին:

11. Կայանները՝ յուրաքանչյուր ամիս, մինչև տվյալ ամսվանը հաջորդող ամսվա տասը, նախարարություն են ներկայացնում տեղեկություններ՝ անասնաբուծության զարգացման և մթերատվության բարձրացման նպատակով տրամադրված տոհմային ցածր մթերատու կովերի և ստացված մատղաշների մասին՝ համաձայն N 3 ձևի:

III. ՍՈՒԲՍԻԴԱՎՈՐՄԱՆ ԳՈՐԾԸՆԹԱՑԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

12. Արցախի Հանրապետությունում ձեռքբերվելիք տոհմային ցածր մթերատու կովերի արժեքի մասնակի սուբսիդավորման գործընթացի իրականացումից ակնկալվող արդյունքներն են՝

1) կենդանիների մթերատվության մակարդակի բարձրացում.

2) բարելավված և տոհմային բարձր մթերատու հատկանիշներով օժտված տնտեսությունների ցանցի ձևավորում.

3) անասնաբուծության վարման ինտենսիվ տեխնոլոգիաների ներդրման հնարավորություն.

4) գյուղական վայրերում վերամշակման նոր ձեռնարկությունների ստեղծման համար նպաստավոր պայմանների ապահովում.

5) անասնաբուծության մասնագիտացման շնորհիվ բնական կերահանդակների առավել արդյունավետ օգտագործում.

6) գյուղական վայրերում նոր աշխատատեղերի ստեղծում.

7) անասնաբուծական մթերքների ինքնաբավության մակարդակի բարձրացում:»:

**ԱՐՅԱԽԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ
ԿԱՌԱՎԱՐՉՈՒԹՅԱՆ ՊԵՏ-ԱՇԽԱՏԱԿԱԶՄԻ
ՂԵԿԱՎԱՐԻ ԱՌԱՋԻՆ ՏԵՂԱԿԱԼ**

Ա.

ԼԱԶԱՐՅԱՆ

Հ Ա Յ Տ

Դիմող _____
(Ֆիզիկական կամ իրավաբանական անձ, անհատ ձեռնարկատեր)

Բնակության վայրը (գտնվելու վայրը),
հեռախոսահամարը _____

Անձնագրի և հանրային ծառայությունների համարանիշի
կամ սոցիալական քարտի համարը _____

Գործունեության իրականացման վայրը _____

Դիմում եմ Ձեզ Արցախի Հանրապետությունում ձեռքբերվելիք տոհմային ցածր մթերատու
կովերի արժեքի մասնակի սուբսիդավորման կարգի համաձայն

(տոհմային ցածր մթերատու կովի ցեղը և քանակը)

ձեռք բերելու նպատակով:

Հայտին կից ներկայացվում են՝

1. _____
2. _____
3. _____
4. _____
5. _____
6. _____

(անուն, ազգանուն (անվանում))

(ստորագրությունը)

Կ.Տ.

« ____ » _____ 20 ____ թ.

ՏԵՂԵԿՈՒԹՅՈՒՆՆԵՐ

ԼՂՀ _____ շրջանում անասնաբուծության զարգացման և մթերատվության բարձրացման նպատակով տոհմային ցածր մթերատու կովեր ձեռքբերելու համար դիմած հայտատուների մասին

Հ/Հ	Հայտատուի Ա.Ա.Հ. (անվանումը)	Գործունեության վայրը՝ համայնք, գյուղ	Անձնագրային տվյալները	Հեռախոսահամարը	Տնօրինվող խ.ե.կ. քանակը (գլուխ)	որից՝ կով, երինջ (գլուխ)	Անհրաժեշտ Տոհմային ցածր մթերատու կովերի քանակը (գլուխ)	Ծանոթություն

Անասնաբուժական սպասարկման կայանի տնօրեն՝

Ա.Ա.Հ

Կ.Տ.

Ձև N 3
ՏԵՂԵԿՈՒԹՅՈՒՆՆԵՐ

ԼՂՀ _____ շրջանում անասնաբուծության զարգացման և մթերատվության բարձրացման նպատակով տրամադրված տոհմային ցածր մթերատու կովերի և ստացված մատղաշների մասին

Հ/Հ	Հայտատուի Ա.Ա.Հ. (անվանումը)	Գործունեության վայրը՝ համայնք, գյուղ	Հեռախոս	Տրամադրված տոհմային ցածր մթերատու կովի համարը և ցեղը	Տրամադրման ամիս, ամսաթիվ	Տվյալ կովից ծնված մատղաշների քանակը (գլուխ)	Ծանոթություն

Անասնաբուժական սպասարկման կայանի տնօրեն՝

Ա.Ա.Հ

Կ.Տ.